

BAKE KONFERENTZIA. Gizartearen parte hartzea bultzatu nahi dute azken proiektuarekin

Gatazkaren konponbidean ekarpenak egiteko eskatu die Elkarrik herritarrei

Ehun mila parte-hartze koaderno banatuko dituzte, herritarren iradokizunak jasotzeko



INIGO AZKONA

Gorka Espiau eta Jonan Fernandez, Elkarriko beste bi ordezkariarekin, atzoko agerraldian.

Maidel del Olmo | BILBO

Bake Konferentzian gizartearen parte hartzea bultzatzeko asmoz, Elkarrik 100.00 koaderno banatuko ditu datozen egunetan, herritarrei eta elkarleen sare guztiari iritzia emateko aukerak eskaintzeko.

Guztira hamahiru galdera bildu ditu Elkarrik, eta herritarrei itaunketa erantzun eta «bake bidean baliogarriak izan daitezkeen ekarpenak egiteko» eskatu diote. Ekarpene guzti horiekin dossier bat landuko dute, ondoren eragile politiko eta instituzionalei igortzeko.

Jonan Fernandez Elkarriko koordinatzaileak gizartearen prozesuan parte hartzea «ezinbestekoa» dela azpimarratu zuen, atzo, Bake Konferentziaren lau-

JONAN FERNANDEZ

Elkarriko koordinatzailea

«Herritarren ekarpen guztiekin dossier bat landuko dugu, eta eragile politiko eta instituzionalei igorriko diegu ondoren»

garren eta azken proiektuaren aurkezpenean. «Gizarte mugimendu baten indarra, instituzioek, alderdi politikoek, komunikabideek edo enpresek duten indarrarekin alderatuta, txikia eta mugatua» dela esan zuen. «Arrazoi horregatik, gauzak aldatzeko duen gaitasuna, batez ere, gizartearen laguntzaren eta parte hartzearen menpe dago.

Are gehiago, helburu bezala bakera bezalako xede konplexua eta premiazkoa duenean», erantsi zuen Fernandezek.

«Bestearen azalean jarri»

Hiru galdera nagusi nabarmendu ditu Elkarrikokideak, itaunketa osotik. «Seguraski, hiru horiek dira erantzuten zailenak: bestearen lekuan jarri eta denon arteko akordioa imajinatzera behartzen gaituztenak. Besteek diotena entzun eta haren lekutik hitz egitera gonbidatuz, bere azaletik esango gukeena adierazteko eskatzen zaigu», esan zuen Fernandezek.

Era horretara, itaunketaren erantzuleak, bere pentsaketatik urrunen dagoen alderdi politikoaren «alde onak» nabarmendu behar ditu. Bestetik, haren

GALDERAK

Gutxieneko adostasun puntuen bila

Hamahiru galderak osatzen dute Bake konferentziaren azken proiekturako atondu itaunketa. Hiru galdera nagusi nabarmendu dituzte:

1 «Zure pentsaketatik urrunen dauden bi edo hiru alderdi politikoetan pentsatu. Egiten edo esaten dutenaren artean, positiboa edo interesgarria iruditzen zaizun zerbait azpimarratu».

2 «Zein gutxienekotan jarri beharko lukete ados alderdi politikoek? Zeintzuk dira minimoak?».

3 «Zer entzutea gustatuko litzaizuke zure pentsamendutik gehien urruntzen den alderdiaren ahotik?».

ahotik entzun nahiko lukeena adierazteko ere eskatzen zaio.

Galdera mota hori, Elkarriko kideen arabera, «gidoilariaren entzuketa metodoan» datza. Hala, aurrera begira, alderdi politikoei aurkeztuko dieten gidoian euren proposamenak gaineratzeko aukera eskaintzen diote herritarrei.

Bestalde, Bake Konferentzian parte hartzeko edo laguntzeko dauden aukera ezberdinak gogorarazi zituen Fernandezek. Hala nola, prozesuaren inguruko materiala eskatuz eta banatuz, ekimena diruz lagunduz, edo gizarte mugimendu horrek herrietan dituen taldeetan parte hartuz.

Guztira, azken fase honetan 100 ekitaldi inguru antolatu dituzte, herri eta auzoetan.

GARAPENA

Subirautzak ez diela herritarrei «inongo kosturik» ekarriko dio EAK

Maidel del Olmo | BILBO

Europar subirautzaren aldeko apustua egiteak, ez diela euskal herritarrei «inongo kosturik» ekarriko adierazi zuen, atzo, Sabin Arana Bizkaiko EAKo lehendakariak. «Alderantziz, gure beharren arabera, baliabide ekonomiko propioak kudeatzeko aukera eskainiko baitugu. Hain zuzen, gure garapena oztopatzen duten zoren menpe egon beharrik gabe», esan zuen.

Subirautzaren bidea bat dator, EAren ustez, Europako garapen ekonomikorako politikarekin. Arnaren hitzetan, «merkatu izateaz gain, Europak kultura eta hizkuntza ezberdinak aintzat hartuko dituen proiektu politikoak izan behar du. Azken finean, herri txiki eta malguok izango dugulako etorkizunearraskasta gehien».

«Bide demokratikoa»

EAK gogoratu du, hala, ber, subirautzaren bidea, «bide demokratikoa» dela, eta helburuak ere hala direla. «Horregatik, konbentzitu egin behar ditugu herritarrek, hori dela aukera onena herri honen etorkizun integralerako, eta dituzten beldurrak uxatzen saiatu behar gara. Izan ere, ziur baikaude Europar estatu gisa ordezkatuak egoteak abantaila handiak dituela».

Bestalde, Euroak Europa sendotzen lagunduko duela dio; eta, herritarrek txanpon berrira ohitzen joan daitezen, ehunka euro kalkulagailu banatuko dituzte, *Gaur euroa, bihar euskal estatua* aldarrikapenarekin.

Euskal Herria, Belgika, Espaina, Frantzia eta Italiako elkarte irratien topaketak

IRRATIAK, KULTURAK ETA HERRI HIZKUNTZAK

Confédération
Nationale des
Radios
Libres

NAZIOARTEKO KONGRESUA

Abenduaren 6etik 9a arte

Domaine de Françon - Biarritz

Gure Irratia
106.6 - 90.5 FM

